

Langabetuen asanblada, lan kolektiboaren bila

Abuztu bukaeran 1.346 langabetu zeuden Ermuan enplegu zerbitzuetan erregistratuta, 652 gizon eta 694 emakume. Egoera honi astindua emateko nahian Ermuko langabetuen asanblada sortu zen uda aurretik.

Lana lortzeko bide berriak bilatzen hasi ziren Juanan Arnal eta Pedro Perez ermuarrak duela 3 hilabete inguru, langabezian aspaldidantik egoteaz nazkatuta. Pedrok urte dezente eman ditu Barakaldo inguruan lanean eta bertan langabetuen asanbladak oso ohikoak dira, hau da, lan kolektiboa lortzeko asmoarekin biltzen diren langabetu taldeak. Ez dute diru-laguntzarik jasotzen eta ez daukate inongo harremanik instituzioekin, partidu politikoeekin, INEM-arekin, Lanbiderekin edo sindikatuekin. Aldiz, lortu nahi dutena, lan duina da, ezegonkortasunik gabe eta legeak agindutako eskubide guztien bermearekin: lan hitzarmenez finkatutako soldatak jaso eta lan ordu kopuruak eta oporrak errespetatu, besteak beste.

Ezkerraldean, Erandio, Leioan, Muskiz eta Enkartzioetan horrelako asanbladak indar handia izan arren, ez dira oso ohikoak gure inguruko eskualdeetan eta ekimena aurrera atera baino lehen "herriko erantzuna zein izango zen aztertu genuen" diote Pedrok eta Jua-

nanek-. *'Ermua Opina' foran galdetu genuen eta proiektuak harrera ona izan zezakeela iruditu zitzaizgun*". Hori dela eta, lehen bileratxoa deitzera animatu ziren eta Erandioko asanbladatik etorritako bi lagunek, talde horien funtzionamendu eta gorabeheren berri eman zizkieten bildutako 50 ermuarrei.

Juananek eta Pedrok ez zuten espero horrenbeste jende biltzea baina herrian 1.346 langabetu daudela ikusita "50 lagun bakarrik agertzea oso triste da", diote. Herriaren egoera oso dramatiko dela diote, 1.346 langabetu horiei enplegu zerbitzuetan apuntatuta ez daudenak gehitu behar zaizkielako (250 edo 300 estimazioen arabera). Emaitza zera da, Ermuko biztanleria aktiboaren langabetu tasa %17koa dela. "Oso etorkizun iluna ikusten dugu, baina optimistak gara, bestela ez genuke asanblada sortuko", argitzen dute.

Gaur egun 40 pertsona inguruk osatzen du Ermuko langabetuen asanblada. 35 eta 55 urte bitarteko langabetuak dira ia gehienak, gizonetzkoak, eta eraikuntzari



lotutako ogibideak dituzte. Baina ez dute inor baztertzen eta, are gehiago, emakumeak, etorkinak eta beste sektoreetako langabetuak erakarri nahi dituzte.

Izan ere, izena ematen duten horiek taldearen hurrengo pausuak jarraitu ahal izango dituzte, abuztuko etena eta gero berriro lanean hasteko gogotsu daudelako: Obrak geldituko dituzte, supermerkatuetara joango dira eta euren lana beharrezkotzat jotzen duten leketan aurkeztuko dute bere burua. Gainera manifestazioa egingo dute hilaren 21ean seguruenik.

Lana banatu

Burututako lehen ekintzen artean, plazako obrak gertatzeko bildu ziren asanbladakoak plaza ondoan irailaren 7an. "Plazan lanean dauden behraginak Zaragozakoak

dira eta hori ulertezina da. Herriko langabetuak igeltse-roak, enkofratzaileak eta marmolariak gara eta plazako lanak egiteko gai bagara diote-. Ez diogu inori lana kendu nahi. Eskatzen duguna da obra batean 16 behargin behar badira, %50 Ermukoak izatea".

Irailaren 7an plazako obrako arduradunarekin berba egin eta gero, asanbladako lagun batentzako edo bi-rentzako lana izan zezakeela komentatu zien. Baina, nola aukeratu behargin bat 40 laguneko talde batean? "Langabezian denbora gehiago daramatenek eta diru-sarrerarik txikiak dituztenek lehentasuna dute lan aukerak jasotzen ditugunean. Baita jubilatzeke urte gutxi gertatzen zaien ere. Baina beti ere, Asanbladaren alde modu aktiboan lan egiten badute". Egindako

**mari
asun** 
LORADENDA

Diputazioa 9 - ERMUA - Tel. 943 174379

MENDIOLA
Restaurante - Jatetxea

Erdikokale, 19
Telefonia 943 17 22 43

48260 ERMUA
(Bizkaia)

lanak neurtzeko puntu sistema erabiltzen dute asanbladek: bileretara doazenak, manifestazioetara, protestetan parte hartzen dutenek edota enkargatuekin hitz egiten dutenek, puntuak gehitzen doaz. Ez dutenek parterik hartzen, berriz, ez dute punturik gehitzen eta arazoak sortzen dituztenek, puntu negatiboak jasotzen dituzte.

Une arazotsuak

Euren estatutuak horrela izanda, argi dago asanblada parte-hartzailea dela eta guztien artean adostu behar dituztela eman beharreko pausuak. Baina ez da erraza, taldeko kide bakoitzak izatera bat duelako. "Ni gauza erradikalagoak egiteko prest egongo nintzateke, 16

urte nituenetik borrokan nabilelako -aitortzen du Pedrok-. Baina Ermuan horrek beharbada ez luke funtzionatuko". "Ez. Egiten ditugun ekintza guztietan errespetuz jokatu dugu -dio Juananek-, gu ere errespetuz tratatzen bagaituzte, behintzat".

Horrelako une arazotsuak bizi izan dituzte dagoeneko, Udalak saihebidia exijitze-ko errepidea moztu zuenean. "Langabetuen asanbladakook gure pankartarekin joan ginen, gurea erreklamatzera. Taldeko batzuek irainak bota zizkieten politikoei eta beste langabetu batzuk haserretu egin ziren -gogoratzen dute-. Argi dago Udalarentzako 'deserosoak' garela, ez zaielako interesatzen kontu hau zabal-

"Asanbladaren alde lan egiten dutenek puntuak jasotzen dituzte"

tztea, baina gu ez gara ezkutatzen".

Izan ere, alkatearekin aurrez aurre egoteko asmoa dute eta hitzordua eskatu diote, taldea bildu ahal izateko lokala lortzeko. "Bera-ekin ez dugu beste ezer argitu behar. Lan kontuetan ez gaitu lagunduko, beste gauza batzuen artean, ezin duelako. Kontratak eta azpikontratak egiteko bidea ezarrita dagoelako eta berak hori ezin duelako aldatu". Lokala lortu arte, Lorian biltzen da talde hau, ostegunero, 18.00etan, eta bertan agertu eta izena eman besterik ez du interesa duen edonork.

Herriko langabetu guztiak animatzen dituzte euren parte hartzera, "zure egoera berean dagoen jendearekin hitz egin dezakezulako eta denbora zerbaitetan inbertitzen duzulako. Egun hauetan lanpostu bat edo bi lortuko bagenitu segituan zabalduko litzateke herrian eta jendea hurbilduko litzaziguke, baina...". Era berean lanean daudenak ere ongietorriak izango dira bi-

leretan eta taldeak egiten dituen ekimenetan, "kontzientzia eta elkartasuna" beharrezkoak direlako, euren arabera, eta horiek sustatzeko bideak ezartzen dira taldearen estatutuetan.

Asanbladaren bitartez lana topatzen duten kideek, esaterako, 10 euro eman behar diote hilero asanbladari gastuetarako: kartelak, gasolina, telefonoa eta horrelakoak ordaintzeko. "Kontu honi jarraipena emateko modu bakarra da. Lana topatzen duenak alde egiten badu..., ez goaz inora!".

Era berean, jarraipena emateko gizartearen beste esparru batzuetan eragin nahi du talde honek, hala nola elikagai bankuak sortuta eta etxeen desjabetzeak saihestuz, nahiz eta lehen-tasuna lana den. Eibarren, Durangon, Berrizen, Mallabian eta inguruko herrietan ere asanbladak sortu edo sortarazi nahi dituzte, Deba Behean eta Durangaldean lana bilatzeko sarea sortu ahal izateko eta presioa egin ahal izateko.

Dorleta Vidal



san pelayo
clínica dental hortz klinika

San Pelayo 5, 1º
Ermua (Bizkaia)

Olatz Garcia Arregui

943 17 04 04

Quetzal berria!!

[arropa, bitxiak, opariak...]

ekinetik aurrera
Eibarren ere

Goienkale, 9 • 48260 ERMUA 943170065
Zuloagatarren, 7 • 20600 EIBAR 943531500

ZUTIK
garagardotegia

Ogitartekoak,
hanburgesak,
plater konbinatuak,
kaxolak....
konpainiarik onenean!!

Zubiaurre 21 - arkupeetan
ERMUA • 94317 39 78

ETXERA
eramateko
616 80 22 81

Zure publizitatea...
drogeteniturri
aldizkarian

943179350
688 632876
Erdikokale 2, 1
drogeten@gmail.com

ALBOKA

MUSIKA
ESKOLA

- Akordeoia
- Klarineta
- Biolina
- Panderoa
- Biolontxelo
- Perkusioa
- Bonbardino
- Pianoa
- Flauta
- Saxofoia
- Kantua
- Trikitrixa
- Gitarra
- Tronboia
- Gitarra elektrikoa
- Tronpeta
- Gitarra baxua
- Txistua
- Lengoiaia musikala

Tel. 943 17 12 98 / 943 17 18 00 • albokamusikaeskola@hotmail.com